

मातृमा॒न्पितृमा॒नाचार्य॑वान्ब्रूयात्तथा त॒हिलि॒नोऽब्रवी॑द्वाग्वै ब्र॒ह्मेत्य॒वद॑तो हि कि॒ञ्च  
स्याद्ब्रवी॑त्तु ते त॒स्याय॒तनं॑ प्रति॒ष्ठां न॒ मेऽब्रवी॑दित्येकपा॒द्वाऽएत॑त्सम्राडिति ॥ ५ ॥  
स वै नो ब्रू॒हि याज्ञ॑वल्क्य । वा॒गेवा॒यत॑नमाकाशः प्रति॒ष्ठा प्र॒ज्ञेत्ये॒नदु॒पासी॑त का  
प्र॒ज्ञता॑ याज्ञवल्क्य वा॒गेव॑ सम्राडिति होवाच वाचा वै सम्राडु॒न्धुः प्र॒ज्ञाय॑तऽऋ॒  
ग्वेदो॒ यजुर्वेदः॑ सामवे॒दोऽथ॒र्वाङ्गिर॑स इतिहासः पुरा॒णं वि॒द्या उप॑निषदः श्लो॒काः  
सूत्रा॒ण्यनु॒व्याख्यानानि॑ व्याख्यानानि वा॒चैव॑ सम्राट् प्र॒ज्ञाय॑न्ते वाग्वै सम्राट् पर॒मं  
ब्र॒ह्म नैनं॑ वा॒ज॒ज्ञ॒हति॑ सर्वा॒ण्येनं॑ भू॒तान्य॑भि॒क्षर॑न्ति ॥ ६ ॥ दे॒वो भू॒त्वा दे॒वान॒प्येति॑  
। य॒ एवं॑ विद्वाने॒तदु॒पास्ते॑ ह॒स्त्यु॒ ॥ ७ ॥ अब्रवी॑न्मे व॒र्कुवा॑र्त्तः । च॒क्षुर्वै ब्र॒ह्मेति॑  
यथा मातृमा॒न्पितृमा॒नाचार्य॑वान्ब्रूयात्तथा त॒द्वार्त्तोऽब्रवी॑च्चक्षुर्वै ब्र॒ह्मेत्य॒पश्य॑तो हि  
कि॒ञ्च स्याद्ब्रवी॑त्तु ते त॒स्याय॒तनं॑ प्रति॒ष्ठां न॒ मेऽब्रवी॑दित्येकपा॒द्वाऽएत॑त्सम्राडिति  
॥ ८ ॥ स वै नो ब्रू॒हि याज्ञ॑वल्क्य । च॒क्षुरे॒वाय॑तनमाकाशः प्रति॒ष्ठा सत्य॑मित्ये॒न॒  
दु॒पासी॑त का सत्यता याज्ञवल्क्य च॒क्षुरे॒व॑ सम्राडिति होवाच चक्षुषा वै सम्राट्  
प॒श्यन्त॑मादु॒र्द्राक्षी॑रिति स॒ आ॒ह्रा॒क्षमि॑ति तत्सत्यं भवति च॒क्षुर्वै॑ सम्राट् पर॒मं  
ब्र॒ह्म नैनं॑ च॒क्षुर्ज्ञ॒हति॑ सर्वा॒ण्येनं॑ भू॒तान्य॑भि॒क्षर॑न्ति ॥ ९ ॥ दे॒वो भू॒त्वा दे॒वान॒प्येति॑  
य॒ एवं॑ विद्वाने॒तदु॒पास्ते॑ ह॒स्त्यु॒ ॥ १० ॥ अब्रवी॑न्मे गर्द॒भोवि॑पीतो भार॒द्वाजः । श्रो॒त्रं  
वै ब्र॒ह्मेति॑ यथा मातृमा॒न्पितृमा॒नाचार्य॑वान्ब्रूयात्तथा तद्वा॒र॒द्वाजोऽब्रवी॑च्छ्रो॒त्रं वै  
ब्र॒ह्मेत्य॒शृण्व॑तो हि कि॒ञ्च स्यादित्य॒ब्रवी॑त्तु ते त॒स्याय॒तनं॑ प्रति॒ष्ठां न॒ मेऽब्रवी॑दि॒  
त्येकपा॒द्वाऽएत॑त्सम्राडिति ॥ ११ ॥ स वै नो ब्रू॒हि याज्ञ॑वल्क्य । श्रो॒त्रमे॒वाय॑तन॒  
माकाशः॑ प्रति॒ष्ठान॑न्त इत्ये॒नदु॒पासी॑त कान॒न्तता॑ याज्ञवल्क्य दि॒श ए॒व॑ सम्राडिति  
होवाच तस्मा॒द्वि॒ सम्रा॒द्यां कां॑ च दि॒शं ग॒हति॑ नै॒वास्या॑ अ॒न्तं ग॒हत्य॑नन्ता हि दि॒  
शः श्रो॒त्रं हि दि॒शः श्रो॒त्रं वै॑ सम्राट् पर॒मं ब्र॒ह्म नैनं॑ श्रो॒त्रं ज॒हति॑ सर्वा॒ण्येनं॑  
भू॒तान्य॑भि॒क्षर॑न्ति ॥ १२ ॥ दे॒वो भू॒त्वा दे॒वान॒प्येति॑ । य॒ एवं॑ विद्वाने॒तदु॒पास्ते॑ ह॒स्त्यु॒